



Sermon

Kxf. Dr. Numlaajtsheb Yaaj

“Cia Peb Ib Leeg Hlub Ib Leeg”

Fifth Sunday of Easter  
Our Savior Lutheran Church  
5-2-2021

Thov txoj koobhmoov txojkev hlub thiab txoj kev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**1 Yauhas 4:7**, "Dear friends, let us love one another, for love comes from God. Everyone who loves has been born of God and knows God – *Cov phoojywg, cia peb ib leeg yuavtsum hlub ib leeg, vim txojkev hlub yog los ntawm Vajtswv. Txhuatus uas muaj kev hlub yog yug los ntawm Vajtswv thiab paub Vajtswv.*" (NIV). Nov yog Vajtswv Txojlus. (Cross-reference – Yauhas 13:34, 1 Kaulethaus 8:3, 1 Yauhas 2:3-4; 2:7, 29; 3:9, 11, 4:8, 11, 16; 5:1, 2 Yauhas 1:5)

Illustration "Love" (Show chief of Fiji Island)



Muaj ib tus Professor mus rau ib lub Fiji Island nyob rau sab Pacific. Nws mus ntawd yog mus kawm txog haiv tibneeg tej keebkwm thiab tej kevcai coj noj coj ua. Nws xav tsis thoob haistias ua li cas cov “Christian missionary – cov ntseeg tshajmoozoo” twb xub mus txog lawv lub zos untej tau ntau xyoo los lawm. Tus Professor no xav haistias haiv tibneeg Asmelikas tej kev coj noj coj ua yog coj tuaj qhia rau lawv haiv tibneeg no ntseg yuav ua rau lawv puamtsuaj tag. Vim lawv txojkev coj noj coj ua neej nyob zoo tshaj li tej tibneeg uas xub coj tuaj qhia lawv lawm. Thaum tus Professor no mus ntsib lawv tus "Chief – Thawj Coj" nws hais rau tus Chief haistias, “Kuv tu siab heev haistias nej cov

tibneeg raug dagntxias los ntawd cov Christians – cov ntseeg Vajtswv. Lawv phau Vajluskub tsuas yog qhia txog tej zaj “story - dabneeg” uas tsis muaj tseeb. Cov tibneeg ntse yeej tsis xav txog haistias yuavtsum muaj ibtus tibneeg yuavtsum los tuag saum tus ntooo khaublig los theej tibneeg txojkev txhaum los cawm tibneeg ntiatjeb li. Nej nyob ua nej lub neej twb ywm li yav qub qab ntseg nej yuav zoo duas yog tsis muaj leejtwg tuaj pom thiab paub nej."

Thaum tus Chief hnov tus Professor cov lus li ntawd tag, tus Chief teb haistias, "Koj puas xav haistias peb nyob peb li qub yuav zoo duas lov? Koj puas paub haistias kuv cov yawgkoob ua li cas rau cov tibneeg uas zoo li koj tuaj txog ntawm peb lub Island no? Peb muab lawv lub taubhaus tsoo lub pobzeb loj loj tod kom tawg tag. Ces peb muab lawv lub cev coj los mus qha thiab ci ib sab ntawm lub pobzeb ntawd coj los noj ua mo. Tiamsis vim muaj cov missionaries tuaj qhia peb txog Vajtswv txojkev hlub, thiab qhia kom peb ib leeg yuav tsum hlub ib leeg. Yog tsis muaj cov missionary ntseg koj yuav tawm tsis tau hauv lub island no mus thiab koj yuav tsis muaj sia nyob lawm. Yog tsis muaj phau Vajluskub qhia peb ua neej ces koj twb yog peb puas mo lawm." Cov native islander no totaub txog Vajtswv txojkev hlub, lawv thiaj li tsis ua li lub neej qub lawm. Vim lawv totaub Yexus lolus samhwm thiaj li haistias, "My command is this: Love each other as I have loved you – *Kuv lolus samhwm yog hais li no: Nej Ib leeg yuavtsum hlub ib leeg ib yam li kuv hlub nej.*" (Yauhas 15:12)

I. Keebkwm qhia txog Yauhas uas yog Vajtswv tus tubtxib qhia rau peb paub txog haistias nws ua Vajtswv ibtug tubtxib zoo li cas. (Show the Apostle John)



Yauhas ua nws lub neej nyob rau lub nroog Efexaus thaum nws yuav tag nws tiamneej. Nws laus thiab tsis muaj zog lawm. Pawngtseeg hu nws los hais ob peb los lus txhuazaug thaum lawv hawm Vajtsv tag. Nws hmabmam sawv thiab luag ntxhi rau tsoom ntseeg sawvdaws ces nws mam li haistias, "Let us love one another – *Nej ib leeg yuavtsum hlub ib leeg.*" Thaum lawv nug nws haistias, "Ua li cas koj pheej hais tib cov lus qub xwb?" Yauhas teb haistias, "Tsis muaj lwmyam yuav hais ntxiv lawm. Kev hlub yog lolus kawg. Yog peb ib leeg hlub ib leeg, nov twb yog txhuayam lawm." Thaum Yauhas sau nws Txojmoozoo thiab nws peb tsab ntawv "Epistle – *Tsabntawv*", Yauhas sau haistias, "Dear friends,

since God so loved us, we also ought to love one another – *Cov phoojywg, vim Vajtsv hlub peb kawg nkaus, cia peb ib leeg yuavtsum hlub ib leeg.*" (1 Yauhas 4:11).

Yog li ntawd\_pleb ib leeg puas hlub ib leeg? Peb puas hlub peb niam, peb txiv, peb tsev tibneeg ib yam li Vajtsv hlub peb? Peb puas hlub peb tej kwv tej tij, thiab peb tsevneeg ib yam li Vajtsv twb hu peb los ua nws tsevneeg? Peb puas hlub tej qhua ua peb twb tsis paub ib yam li zaj lus pivtxwv uas Yexus qhia txog tus "Good Samaritan – Tus Xamalis siab zoo" uas pab tus tibneeg raug mob ntawm kev? Peb puas muaj kev hlub zoo ib yam li Vajtsv twb xub hlub peb lawm?

Vajtsv txojkev hlub rau peb yeej nyob ruajnrees thiab tsis hloov li. Nws txojkev hlub yeej nyob rawv ntawm peb txhuatus. (Show God's love)



Yaxayas sau haistias, "Though the mountains be shaken and the hills be removed, yet my unfailing love for you will not be shaken nor my covenant of peace be removed, ... - *Txawm tej tojroob hauvpes yuav tsee, yuav pob yuav vau, Tiamsis kuv nploojiab hlub yuav tsis paub kawg li, Kuv yuav ceev kuv tej lus cogtseg haistias kuv txojkev haumxeeb yeej tsis pub rhuav tshem li...*" (Yaxayas 54:10). Nyob rau ntawm Henplais, Vajtsv txojlus sau haistias, "... Never will I leave you; never will I forsake you – ...*Kuv yuav tsis tso koj tseg, lossis muab koj povtseg ib zaug li.*" (Henplais 13:5).

Tibneeg txojkev hlub tsuas muaj hloov mus hloov los. Lolus "Kuv tsis hlub koj lawm" feem ntau yog siv rau cov pojniam thiab cov txiv txojkev sibnrauj ntawm txojkev ua txijnkawm. Cov menyuam xav hnov lolus haistias, "I love you – Kuv hlub koj," tsis tseg lawv thiaj li muaj txojkev kajsiab haistias lawv niam lawv txiv tseem hlub lawv. Peb yog tibneeg, txawm peb muaj kev hlub npaum li cas los peb yeej piv tsis tau Vajtsv txojkev hlub li.

II. Vajtsv yeej hlub peb txhuatus. Nws txojkev hlub tsis hloov mus hloov los. Nws yeej zoo ibyam. Txawm peb ua tsis haum nws siab los ntawm peb txojkev txhaum los nws tseem hlub peb. Peb cov uas muaj menyuam, yog ib tug twg raug mus kaw tom tsev lojcuaj lawm peb yeej txajmuag heev.

(Show jail cell)



Txawm zoo li no los peb puas tseem hlub peb tus menyuam ntawd los tsis hlub lawm? Ntau zaug ib leejniam ib leejtxiv yeej tseem haistias, "*Kuv tseem hlub kuv tus menyuam ntawd ib yam li qub.*" Txawm tus menyuam tsis mlooglus, nws xaiv txojkev mus ua laib los leejniam leejtxiv tseem hlub tus menyuam li qub. Qhov nov yog txojkev hlub uas tsis hloov muv hloov los. Nov yog ib txojkev qhia rau peb kom peb ib leeg yuavtsum hlub ib leeg – ibyam li Vajtsv hlub peb.

Tus Thwjt看 Yauhas qhia rau peb haistias Vajtsv txojkev hlub peb yog los muab nws tus kheej theej peb tej kev txhaum thiab zam peb lub txim. Paulus tsabntawv sau mus rau haiv tibneeg Efexaus haistias,

"And live a life of love, just as Christ loved us and gave himself up for us as a fragrant offering and sacrifice to God. – *Ua lub neej ntawm txojkev hlub ib yam li Yexus Khetos hlub peb thiab muab nws tus kheej los ua tshuaj tswqab theej peb rau ntawm Vajtswv.*" (Efexaus 5:2). **(Show Jesus died on the cross)**



Yauhas sau ntiv haistias, "This is how we know what love is: Jesus Christ laid down his life for us. And we ought to lay down our lives for our brothers. – *Peb thiaj li paub haistias kev hlub yog dabtsi: Yexus Khetos muab nws txojsia los txhiv peb. Peb yuavtsum muab peb txojsia los txhiv peb tus kwvtij.*" (1 Yauhas 3:16). Yexus muab nws txojsia los txhiv thiab zam peb txojkev txhaum. Yog haistias peb yuav muaj kev hlub lwmtus ib yam li Vajtswv hlub peb, peb yuavtsum zoo siab hlo los txhiv lwmtus. Yog peb hlub peb tsevneeg peb yuavtsum zoo siab hlo los txhiv lawv tsis txhob ua yam uas yus xav tau thiab ntshaw uantej. Tej lub sijhawm yam uas peb xav tau peb yuav tsis tau vim peb koj txojkev hlub mus pab

lwmtus uantej lawm. Yog peb hlub peb cov kwvtij zejzog, tej lub sijhawm peb yuavtsum tau txhiv lawv los ntawm peb lub sijhawm, peb tej nyiajtxiag los pab rau lawv ntawm sab nqaijtawv thiab ntawm sab ntsujplig. Zoo li Tswv Yexus Khetos, peb yuavtsum zoo siab hlo los mus txhiv lwmtus, peb thiaj li muaj txojkev hlub. Peb yuavtsum zoo siab hlo los txhiv txog peb txojkev chim, tej kev tu siab, tus uas ua rau peb mosiab, peb yuavtsum zoo siab hlo muab txojkev zamtxim rau tus ua txhaum rau peb vim Yexus twb xub zamtxim rau peb lawm. Nov thiaj li yog qhia txog txojkev hlub. **(Show altar boy)**




Phau ntawv lub title "Mistreated," tus sau yog Ron Dunn, qhia txog ob (2) tus tubhluas. Nkawd puavleej yug tomqab xyoo 1800, Ib tus tubhluas nyob rau Eastern Europe ho ib tus nyob rau Illinois. Thaum nkawv ob leeg tseem yog hluas, nkawv ob leeg puavleej ua dejnum tus lub Altar "*Tus Pab Dejnum Rau Lub Samthiaj Hawm Vajtswv*" rau nkawv lub churches. Txawm nkawv nyias nyob nyias deb tshaj li 1000 miles los nkawv tes dejnum zoo ib yam nkaus. Nkawv obleeg puavleej pab nkawv tus Xibhwb npaj Tus Tswv Rooj Mov txhua lub limtiam hawm Vajtswv. Nkawv obleeg puavleej ua cov cawv nchuav mentsi rau daim carpet. Qhov txawv ntawm nkawv ob leeg yog zoo li cas? **(Show Wajosep Tito)**



Marshal Tito  
Marxist Yugoslav Dictator

Tus Xibhwb nyob rau Eastern Europe Church xas ib ncuav pias ‘SLAPPED’ tus tubhluas lub ntsejmuag thiab cem haistias, "*You clumsy oaf! Leave the altar! –Koj niag ruam es! Cia li khiav ntawm lub samthiaj no mus!*" Tus tubhluas no loj hlob dhau los mus ua ib tus ntsub cov ntseeg thiab nws mus ua communist. Nws lub npe hu uas Wasjosep Tito, ua tus nom Dictator tswj kav Yugoslavia xyoo 1934 - 1980. **(Show picture of Bishop Fulton Sheen)**



Nyob rau Illinois, Tus Xibhwb saib tus tubhluas uas ua cov cawv txeej, tus Xibhwb ua lub ntsejmuag luagntxhis “Smile” thiab hais rau tus tub hluas haistias, "*That’s Okay, You will do better next time - Tsis ua li cas, lwm zaug koj mam li ua zoo duas.*" Tus tubhluas no loj hlob los uas ib tus Bishop. Nws lub npe hu uas Fulton Sheen. Nws yog Asmelikas ibtus ntseeg Vajtswv uas muaj lub npe nto moo lug thiab uas rau tebhaws hwm thiab qhuas txog tes dejnum uas nws ua rau tibneeg ntiajteb los ntawm Vajtswv txojkev hlub. Obtug tubhluas no lub neej zoo ibyam, tiamsis nyias muaj nyias txojkev rau thaum kawg. Qho no qhia tau haistias peb yuavtsum muaj txojkev hlub - Tsis yog tus ua txhaum ces koj yuav cem yuav

chim. Hais kom zoo, ua kom zoo, lwmtus lub neej thiaj li yuav dhau los txawj mus hlub lwmtus.

III. Vajtswv txojkev hlub loj kawg nkaus li. Yexus thiaj li haistias "Greater love has no one than this, that he lay down his life for his friends - *Tus uas zoo siab tuag theej nws tus phoojywg lub txhoj, tus ntawd yeej muaj lub siab hlub tshaj plaws tej neeg huv tibi.*" (Yauhas 15:13). Vajtswv txojkev hlub rau tibneeg ntiatjeb loj duas li lwmyam uas nws tsim. Yauhas sau haistias, "How great is the love the Father has lavished on us, that we should be called children of God! - *Nej sim ua tibzoo xav saib Leejtxiv hlub peb npaum li cas diam. Nws hlub peb kawg nkaus li nws thiaj li hu peb ua nws cov menyuam ...*" (1 Yauhas 3:1). Paulus sau hasitias, "May have power, together with all the saints, to grasp how wide and long and high and deep is the love of Christ, and to know this love that surpasses knowledge—that you may be filled to the measure of all the fullness of God – *Nej thiab Vajtswv haiv tibneeg txuatus thiaj yuav totaub haistias, Yexus Khetos txojkev hlub dav li cas, ntev li cas, siab thiab tob li cas tiag. Thiab kom nej paub txojkev hlub ntawd tseeb, txawm yog tsis muaj leejtwg paub txhij los puamchawj, nej yuav coj nej tus cwjpwv zoo ib yam li Vajtswv tus.*" (Efexaus 3:18-19). (Show girl crying)



Muaj ib tus ntxhais khiav dhia uasis hauv tsev. Nws nphav ua nws niam thiab txiv ib lub "vase – tub" uas kim kim poob tawg. Thaum nws pom li no nws ntshai heev thiab pib quaj. Thaum leejniam hnov dabtsi poob tawg thiab hnov tus menyuam quaj leejniam los saib yog vim li cas. Thaum leejniam los txog tus menyuam xav haistias leejniam yuav muab nws nplawm thiab cem nws tiamsis leejniam tsis cem tsis hais ib los siab li. Leejniam nhyo nsig mus muab tus menyuam saib nws puas raug mob qhovtwg thiab puag nkaus nws tus ntxhais. Leejniam haistias "Mentxhais Kuv ntshai tsam koj raug mob, koj puas ua li cas?" Tomqab tus ntxhais loj hlob tuaj, nws mam li totaub haistias nws yog nws niam qhov khoom

uas zoo tshaj plaws, tsis yog lub "vase – tub" uas tawg lawm. Leejniam saib tej menyuam muaj nuj nqi duas li tej khoom ntiatjeb. Qhov no yog txojkev hlub ntawm ib leejniam. Nov zoo sisthooj li peb Leejtxiv tus nyob saum ntuj ceebtsheej uas hlub peb kawg nkaus vim peb yog nws cov menyuam thiab muab peb saib muaj nuj nqi tshaj li tej khoom ntiatjeb. (Show the greatest of these is love)



Tus Thwjtis Paulus sau haistias, "... *But the greatest of these is love - ... Yam tseemceeb tshaj huv tibi yog kev hlub.*" (1 Kauleethaus 13:13). Yam tseemceeb tshaj yog Vajtswv txojkev hlub. Yog li ntawd cia peb ib leeg hlub ib leeg vim Vajtswv twb xub hlub peb lawm. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos. Peb Txhuatus uas yog Vajtswv cov menyuam peb sawvdaws hais: Asmees.